

乾隆庚戌鑄

孟縣志

孟縣志序

孟縣爲古河間地三城之雄著於古昔蓋當河山之
爲晉陝之衝時則有各賢魁士間代而生而唐韓公
某尤著也公儒先考辨於政公鄉里尙無定論至
皇上稽古右文崇儒重道得文公之後於孟俾世襲傳
思立海爲典至鉅片志地志人非知古知今者不克勝
也余自乙巳春奉

命撫

豫始至卽索舊志觀之蓋創於康熙乙亥迄今且將百
年文獻無徵尤爲採風者所太息是志之修天烏容已
會丁未秋馮農部魚山請假至中州適孟宰仇君序東
爲農部姻好延主河陽講席余因論仇君以志事屬焉

虞部嗜學好古凡是縣古蹟必躬歷目睹證以舊聞即至殘碑斷碣靡不冥搜細尋然後以著於篇將於著述之體不爲無見者矣余旋戊申秋再奉

命移節兩湖

未獲睹其成書庚戌冬仇君以志稿達寄楚

中請余一言以弁其首余閱之凡十卷門類無多亦未悉備其考據之精詳體例之古雅不減前人名士然余尤喜其於山川之形勢生民之利弊悉爲留神於政事不獨其文章之可尚而已也是爲序

進士

及第兵部尚書兼都察院右都御史總督湖北湖南

等處地方軍務兼理糧餉加四級鎮澤畢沅撰

序二

邑志備輶軒之採傳信則國史亦信傳疑則國史亦疑
所關甚鉅也豫省爲天下腹心懷孟又爲豫省門戶孟
邑雖廣袤不及百里然南瀆大河北距太行實古來重
鎮其人物風土尤豫省之所最著者惜歷代以來屢遭
兵燹本無所爲舊志至我

朝康熙乙亥雖經邑人纂輯究畧而未詳僅同草創非信

今傳後之業也吾友馮農部魚山博學好古才識兼備
曩同史館蓋心知之丁未秋請假遊大梁爲仇明府序
東請掌河陽講席前開府畢秋帆先生因以孟志屬
修而仇君復始終其事焉書成凡十卷河陽爲韓昌黎

先生故里余視學中州深以未遍訪求遺蹟爲憾昨按
試過孟仇明府以志稿送閱余觀之地理志載形勢險
要先仍備繪各圖蓋仿李吉甫元和郡縣志詳山川脈
絡用酈道元水經注體蓋仿高似孫刻錄建德志田賦
志詳於政典職官志人物志稽諸史傳若藝文志但載
書目一依璣史之舊詩文則散附各門蓋用范致能吳
郡志之例而金石志冥搜博考刻又有歐陽公集古錄
趙明誠金石錄之遺意焉合而觀之綱舉目張條分縷
析酌今古之宜得繁簡之中求諸前人名志如康對山
武功志韓五泉朝邑志莫能過也是或昌黎先生之精
於千百年後俾馮農部編輯其桑梓之文獻以流傳

不朽也夫抑仇明府爲政惠人愛士政聲甚美而又能
以此爲務可謂有綱紀文章者矣余故樂爲之序云
賜進士出身 文淵閣校理翰林院編修前山西學政廣西
正主考提督河南學政劉世明之撰

序三

頃余在河南藩署頗欲周知各府州縣形勢利病故於
各地志亦靡不寓目焉然其善者亦未易多觀也會仇
序東明府以上計官孟孟爲河南望縣余素知其縣志
久而未修又會明府姻親馮魚山農部假遊大梁余得
相晤而今兩湖制府前河南大中丞秋帆畢公亦知
農部學問有素即俾仇明府以孟志相屬余聞之快然
以爲是志方得所托也顧余旋以守制歸里未覩孟志
竣事服闋後復得仇明府以創成孟志見
寄余披閱再三而廼爲之喟然曰是志之作也豈云易
哉蓋河南之視孟縣如腹心之有咽喉自禹貢稱至孟

津春秋書狩河陽而後人事益繁花縣之風旣渺而三
城遂爲守禦最重之所其間將帥節鎮使相迴翔前自
周齊中及唐宋捐不勝屈自元及明稍同下縣而兵燹
焚掠之害見于史傳者仍視他邑爲甚至我

國朝深仁厚澤休養生息百有餘年民享耕田鑿井之福而
帝德之涵濡賡育特至矣故余以謂此地不可以無志若孟
地則志尤不可無今觀此志之作紀

聖制則

天文之炳燦著焉詳地理則河山之阨塞具焉嚴建置則水
利河防之機要詳焉詳用賦則戶口之滋生興

朝廷之恩恤見焉而爲政之大綱在是矣其他職官人物藝

文金石史事雜記諸類精覈稱是是可不謂完書也哉
雖然非農部用心之精勤不至此而是書之成首尾四
載非明府之始終不怠亦不至此矣余旣喜農部與明
府有相得益彰之美而又服制府有知人之鑒也因
序以記之時

乾隆五十五年歲次庚戌冬十二月上浣

欽命山東全省承宣布政使司布政使前河南全省承宣布
政使司布政使歙縣江蘭撰

序四

今知縣自履任以後一切簿書錢穀繭絲蝟毛紛煩總
雜事事攬心其或路當孔道趨走迎送酬對之節亦在
所必需故其上者以盤根見異而其下者乃縻牘勞形
至于綴輯古今蒐羅文獻匪曰不能亦不暇及故修志
一事其有志而未逮者恒多也乾隆丁未歲汝璠由臬
倅幸蒙

恩命擢知孟縣縣當大河南北之衝
不啻過之而縣志自康熙乙亥修後垂數載矣辰前令
江君濯亦曾屬覃懷院長山陰沈君惟材具稿未及付
刻但附縣牘藏貯約計乙亥至今已將百年尙無成書

五縣志序
余因邑人呈請重修遂爲轉詳各憲適余姻親馮魚山農部假至大梁余延主河陽書院講席今

兩湖制府前河南大中丞畢公即以志事屬焉農部課誦之餘余爲捐俸別開志局俾農部得以時纂輯會山陰何先生炳武進湯君令名時亦在孟因屬分修更延邑中人士楊明經以誠張廣文樞韓博士九齡崔孝廉士璋薛贊府清純湯文學金章等六人爲志局採訪縣尉張君葆則專司出入仍時左右一切而志事以興且夫孟志之不可不修也其大要略有數端百餘年來

國家恩澤之深厚如獨免賑恤以及韓文公後裔

固特設世襲博士之類尙未記載一也數十年來地理形

勢之各異如黃河先去城南五里今去城南十八里又
湟水前在城東五里孟港入河今在城東二十里入溫
縣境又十餘里始入河二也地畝漕糧之現額公署
舍水利隄工之興廢三也先賢廬墓之宜表章四也職
官選舉之宜續錄孝義列女之宜搜輯五也他若藝文
金石之類其宜搜拾者尙自不一凡此數端皆人所共
見然而中間紀載得體叙次無遺則視乎修志者之用
心焉今農部自開局以後縣歷四年始成一書元元本
本開卷具存卽卷前諸圖皆精心手繪合而觀之其用
心也微而其徵引也甚實故前此數端無復遺憾就中
凡事涉韓公者其紀載倍爲出力於茲事蓋不可謂不

勤矣即同事諸君始終斯志楊張二君復兼編校其襄
事皆不可謂不勞矣是書之成則豈非斯邑之幸乎然
汝瑚亦有幸焉蓋嘗自惟謏弱謬膺民社同已時形竭
蹶修志一事即使勞神憊精亦復何及而茲幸得公餘
共事藉手觀成以附于諸君子之末上有以報一各憲
而下有以慰邑人可不謂幸哉至余與農部既屬姻好
又得數載周旋以更結此一重翰墨之緣亦尤未易得
也孟邑云爾哉志成因書以序之其舊志序語及襄事
鳩工人名并循志例附載志末云

乾隆五十五年歲次庚戌冬十二月上浣穀旦

勅授文林郎孟縣知縣靈山仇汝瑚序東氏謹撰

自序

聞之作史之難唯志唯甚而志地亦類焉余以非才改
官假遊至豫猶得以後進禮謁前開府畢秋帆先生
曾姻親仇君序東方宰孟縣延余主其書院先生因
以孟志屬余重修并曰修志良不易而是地頗有宜撫
實者尙其在意余悚然以辭既不獲命則謹而錄之迨
抵孟課徒之暇稍綜志事觀於今古之際乃重歎先
生之宏覽曠度早已片言殆要也蓋孟縣地控河山古
稱雄鎮其地理關於史書者特多苟在在欲以今地實
之是爲難已又唐韓公有大功於吾道其祖籍廬墓俱
在是縣必宜徵實又况厥後人蒙

恩世襲可勿詳焉至于令甲所在民事所關尤未易悉舉者
歟余既無特識姑仿前人志例區分歸併撰爲十篇曰
聖制曰地理曰建置曰田賦曰職官曰人物曰藝文曰金石
曰史事曰雜記以次相屬要以志地爲主大意各見篇
前小序既成而竊有所感焉謂夫志地之難或嚴限相
迫或意見不同或咨訪甚難或書籍不備四者有一不
能善事茲則序東明府情親甚摯四載周旋相得益懽
又秋帆先生雖移節兩湖而當事諸君子若觀察卬
江唐公前郡守今觀察崧峯布公郡守前臬憲履樞杜
公前後咸敦古處無迫促之慮至田賦志與孝義傳列
女傳則何君雲軒與湯子珂聰分輯皆同心商榷兼同